

Ո Ր Ո Շ ՈՒ Մ

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

« 25 » փետրվարի 2019թ.

N 49/13

1. Վարչական իրավախախտման վերաբերյալ գործի նկարագրությունը, վարչական ակտն ընդունելու համար հիմք հանդիսացող փաստերը.

Երևանի քաղաքապետարանի աշխատակազմի առևտրի և սպասարկումների վարչության աշխատակիցներ Հ. Միմոնյանի և Բ. Արզումանյանի կողմից 10.12.2019 թվականին հայտնաբերվել է Հայաստանի Հանրապետության Վարչական իրավախախտումների վերաբերյալ օրենսգրքի (այսուհետ՝ Օրենսգիրք) 158-րդ հոդվածի 1-ին մասով նախատեսված վարչական իրավախախտում, մասնավորապես՝ «Դավիթ-Բենա» սահմանափակ պատասխանատվությամբ ընկերության տնօրեն Գրիշա Դանիելյանի կողմից Մոլդովական փողոց հ.35, հ.135 հիմնական դպրոցում իրականացվել է առանց պիտանիության ժամկետի մակնշման ապրանքների՝ «Շանթ» ֆիրմայի պեչենիի, անհայտ ծագման քաղցրավենիքների իրացում, որի վերաբերյալ 10.12.2019 թվականին կազմվել է վարչական իրավախախտման վերաբերյալ թիվ 003332 արձանագրությունը (այսուհետ՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին տեսանկարահանվել են առանց պիտանիության ժամկետի մակնշման ապրանքները:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

«Դավիթ-Բենա» սահմանափակ պատասխանատվությամբ ընկերության (գրանցման համար՝ 282.110.02884, ՀՎՀՀ՝ 00831016) տնօրեն Գրիշա Դանիելյանը և լիազոր ներկայացուցիչ Կարեն Սարգսյանը (կացության քարտ AC 0008392, տրված 30.11.2018 թվականին) բացատրություն տվեցին այն մասին, որ չեն ընդունում իրավախախտումը: Ժամկետը նշված է տուփի վրա: Ապրանքները չեն վաճառել: Արձանագրությունը կազմելուց ներկա չի եղել: Արձանագրության մասին տեղեկացել է իր աշխատողից: Վարչարարության տեսանկյունից արձանագրությունը կեղծ արձանագրությունը է:

Գործի քննության ընթացքում ուսումնասիրվեցին արձանագրությունը, հ.73 հանձնարարագիրը, ընկերության պետական գրանցման վերաբերյալ քաղվածքը, լիազորագիրը, պայմանագիրը և տեսանկավառակը:

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում հիմնավորվեց, որ «Դավիթ-Բենա» սահմանափակ պատասխանատվությամբ ընկերության տնօրեն Գրիշա Դանիելյանի կողմից Մոլդովական փողոցի հ. 35 հասցեում գտնվող հ.135 հիմնական դպրոցում իրականացվել է առանց պիտանիության ժամկետի մակնշման ապրանքների՝ «Շանթ» ֆիրմայի պեչենիի, ինչպես նաև անհայտ ծագման, առանց պիտանիության ժամկետի մակնշման քաղցրավենիքների իրացում: Առանց պիտանիության ժամկետի մակնշման ապրանքները գտնվել են առևտրի սրահում, գնորդի համար տեսանելի և հասանելի վայրում: «Դավիթ-Բենա» սահմանափակ պատասխանատվությամբ ընկերության տնօրեն Գրիշա Դանիելյանի կողմից թույլ է տրվել Օրենսգրքի 158-րդ հոդվածի 1-ին մասով նախատեսված վարչական իրավախախտում:

2. Վարչական ակտ ընդունելու հիմնավորումը.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենսգրքի 158-րդ հոդվածի 1-ին մասի համաձայն՝ առանց պիտանիության ժամկետի, պիտանիության ժամկետն անցած, ոչ ընթեռնելի պիտանիության ժամկետով, պիտանիության ժամկետի կրկնակի մակնշմամբ, արտադրողի կողմից նշված բնօրինակ պիտանիության ժամկետը ջնջված և նոր ժամկետի նշումով, հայերեն մակնշումը արտադրողի կողմից նշված բնօրինակ պիտանիության ժամկետի վրա փակցված ապրանքներ իրացնելը առաջացնում է տուգանքի նշանակում պաշտոնատար անձի նկատմամբ՝ սահմանված նվազագույն աշխատավարձի հարյուրապատիկից մինչև երկուհարյուրապատիկի չափով:

Ելնելով վերոգրյալից և ղեկավարվելով Օրենսգրքի 23-րդ հոդվածի 2-րդ կետով, 158-րդ հոդվածի 1-ին մասով, 219.1-րդ, 281-րդ և 282-րդ հոդվածներով, Երևանի քաղաքապետի 23.08.2013 թվականի թիվ 4180-Ս որոշմամբ (փոփոխ. 01.08.2017 թվականի թիվ 2645-Ս)՝

ՈՐՈՇԵՑԻ

1. «Դավիթ-Բենա» սահմանափակ պատասխանատվությամբ ընկերության տնօրեն Գրիշա Դանիելյանին Օրենսգրքի 158-րդ հոդվածի 1-ին մասով ենթարկել վարչական պատասխանատվության՝ նշանակելով վարչական տույժ 150.000 (հարյուր հիսուն հազար) ՀՀ դրամի չափով:

2. Օրենսգրքի 305-րդ հոդվածի համաձայն տուգանքը պետք է վճարվի սույն որոշումը իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900015211239 հաշվին:

3. Սույն որոշումը կարող է բողոքարկվել վարչական և դատական կարգով՝ որոշումն ուժի մեջ մտնելուց հետո երկամսյա ժամկետում:

ԵՐԵՎԱՆԻ ՔԱՂԱՔԱՊԵՏԱՐԱՆԻ
ԱՇԽԱՏԱԿԱԶՄԻ ՎԱՐՉԱԿԱՆ
ԻՐԱՎԱՆԱԽՏՈՒՄՆԵՐԻ ՎԵՐԱԲԵՐՅԱԼ
ԳՈՐԾԵՐԻ ՔՆՆՈՒԹՅԱՆ ԲԱԺՆԻ ՊԵՏ՝



ԱՆԴՐԱՆԻԿ ՄԱՐՏԻՐՈՍՅԱՆ